

№27 «Айгөлек» балабақшасы

Тақырыбы: «Тіл – ел тірегі»



Білім беру саласы: «Қатынас»

Ұйымдастырылған оқу қызметі: Сөйлеуді дамыту.

Өткізген: Каирова Б.С.

Білім беру саласы: «Қатынас»

Ұйымдастырылған оқу қызметі: Сөйлеуді дамыту.

Тақырыбы: «Тіл – ел тірегі»

Мақсаты: Мемлекеттік тілдің маңызы туралы түсінік беру. Сан ғасырлар бойы халықтың өзімен бірге жасасып, ұрпақтан-ұрпаққа мұра боп қалып жатқан ауыз әдебиетінің бай саласының бірі қазақ тілін ұрпақтың бойына сіңіре білуге және туған жерін сүйуге, қадірлеуге, бағалап мақтан етуге тәрбиелеу.

Қолданылатын көрнекі құралдар: ҚР мемлекеттік рәміздері, шарлар, жалаушалар.

Әдіс-тәсілдер: түсіндіру, сұрақ-жауап.

Шаттық шеңбері

Туған тілім-бабам тілі-өз тілім,

Туған тілім-анам тілі-өз тілім.

Туған тілім-далам тілі-өз тілім,

Туған тілім-адам тілі-өз тілім.

Туған тілде сыры терең жаным бар,

Туған тілде әнім менен сәнім бар.

Балалар шеңберге тұрып, педагогпен бірге бүгінгі күндеріне сәттілік тілейді.

-Балалар жылдың неше мезгілі бар?

-Жылдың төрт мезгілі бар.

-Жаз,күз көктем,қыс

— Қазір жылдың қай мезгілі.

— Қазір жылдың күз мезгілі.

— Күз мезгілінің айларын атаңдаршы?

— Күз мезгілінің айлары қыркүйек, қазан, қараша.

— Балалар бүгін бізде мереке. Қандай мереке білесіңдер ме?

— Бүгін 5 қыркүйек тіл мерекесі.

Ана тілі-адам болып жаралғаннан бері адамның жан дүниесінің айнасы, мәңгі құрметтейтін бәйтерегі.

Балалар біздер қай елде тұрамыз?

-Біздің елбасымыздың аты кім?

-Біз қай тілде сөйлейміз?

-Біздер қазақша тілде сөйлейміз.Біздің ұлтымыздың тілі ол-қазақ тілі.

— Тіл туралы қандай тақпақ білесіңдер?

Көзайым:Ана тілің-арың бұл

Ұятың боп тұр бетте,

Өзге тілдің бәрін біл,

Өз тіліңді құрметте

Мәди: Ана тілім бал тілім

Өзің барда шалқыдым

Өз тілімде ән шырқап

Термелетіп балқыдым

Маржан: Ақыл ойын дананың

Ана тілден аламын

Ана тілім ардақты
Ақ сүтіндей анамның.
Ханшайым: Тілім барда мақтанам.

Тілім менің аппақ ән
Бірлігімді бүгінгі
Ана тілім сақтаған.

Адия: Өсірген ой білімді
Сүйем туған тілімді
Мақсат етем әр сөздің
Мәнін терең білуді

Дария: Ана тілді білмесем
Шат-шадыман күлмес ем
Жер бетінде сайраңдап
Қазақ болып жүрмес ем

Аяулым:

Ана тілің біліп қой
Еркіндігің, теңдігің
Ана тілің біліп қой
Мақтанышың, елдігің

-Жарайсыңдар балалар тіл туралы көптеген тақпақтар біледі екенсіңдер.
Ендеше бәріміз бірігіп ойын ойнайық.

Дидактикалық ойын: «Кім зерек?»

Ойын шарты: Тақтадан жануардың суреті беріледі. Сол суретке қарап, бала жануардың атын атап және сол жануардың төлінің атын атау керек.

-Тіл туралы қандай мақал-мәтелдер білесіңдер.

Кенесары: Өнер алды қызыл-тіл.

Амина: Тіл қылыштан өткір.

Ахмет: Тіл тас жарады
Тас жармаса бас жарады.

Әнуар: Басқа пәле тілден.

Балалар осы айтқан мақал-мәтелдеріңді естеіңнен шығармай үнемі жаттап жүріңдер. Жарайсыңдар балалар.

Қорытындылау

Осымен біздің Тіл мерекесіне арналған оқу қызметіміз өз мәресіне жетті. Оқу қызметіне жақсы атсалысып қатыстыңыздар. Сұрақ-жауап арқылы оқу қызыметін қорытындылау.

Бағалау және мадақтау.

Күтілетін нәтиже:

Біледі: өз тілі туралы ұғынады, тілдің маңызды екенін біледі.

Игереді: Өз тілінде анық еркін сөйлей алуды.

Меңгереді: өз елінің ұлттық құндылықтарын



